

國

子

監

志

國子監志卷五十四

金石志二

御碑

世祖章皇帝

御製曉示生員卧碑

清漢文各一石順治元年二月立在太學門外

之左。南嚮。

恭載卷首文

聖祖仁皇帝

御製

至聖先師孔子贊碑

康熙二十五年七月立在

大成殿甬路東有亭  
恭載卷首

御製四子贊碑

戶部尚書文華殿大學士臣張玉書奉

敕敬書康熙二十八年閏三月立在

大成殿甬路西有亭  
恭載卷首

御製訓飭士子文碑

御筆鈐

寶一。曰康熙御筆之寶。康熙四十一年正月立。碑陰刻。

禮部左侍郎仍兼管國子監祭酒事。臣邵穆布。

禮部侍郎仍兼管國子監祭酒事。臣孫岳頌。國

子監司業。臣滿丕黨阿賴。魯援。立石。國子監錄

黃旗助教。臣德明。正白旗助教。臣巴泰。國子監

典簿廳。臣阿起納。典簿廳。臣郝士銓。監造鴻臚

寺序班。臣朱圭。鐫字在敬一亭正中南嚮。

恭載  
卷首。

文

御製平定朔漢告成太學碑。

清漢文左右刻鈐

寶三。曰廣運之寶。康熙四十三年三月立。碑陰刻。禮部

左侍郎兼管國子監祭酒事。臣邵穆布。禮部侍郎仍管國子監祭酒事。臣孫岳頌。國子監司業。臣滿丕黨阿賴。黃叔琳。助教。臣德明。佛保。學正。臣傅元姓。典簿。臣阿起納。典籍。臣王世繩。筆帖式。臣勒爾圖。全監造鴻臚寺序班。臣朱圭。篆額。并鐫在。

大成殿甬路西北。有亭。

志

文恭載禮

獻功

御書聖經石刻。

御筆鈐

寶三。曰廣運之寶。曰體元主人。曰萬幾餘暇。康熙三十

三年仲夏立。碑陰刻排類校對官。經筵講官

文華殿大學士兼禮部尚書臣張英。經筵講

官禮部尚書臣陳廷敬。經筵講官刑部尚書

臣王士禎。經筵講官工部尚書臣王鴻緒。都

察院左副都御史臣勵杜訥。禮部左侍郎仍兼

管國子監祭酒事臣邵穆布。兵部左侍郎臣胡

會恩禮部左侍郎仍兼管國子監祭酒事臣孫  
岳頌日講官起居注詹事府少詹事兼翰林院  
侍講學士臣張廷瓚日講官起居注翰林院侍  
講學士臣陳元龍兵科掌印給事中臣宋駿業  
監造官 養心殿監造六品官兼 景山火器  
總管臣趙昌 養心殿監造兼內務府廣儲司  
司庫臣強國忠 養心殿監造兼內務府廣儲  
司司庫臣王道化 武英殿監造內務府會稽  
司管理錢糧員外郎臣赫世亨 武英殿監造

內務府廣儲司主事臣張常住。鐫刻鴻臚寺序  
班。臣朱圭。內務府序班。臣梅裕鳳。在彝倫堂正  
中南嚮。

御書嵩高峻極等四榜。

榜正中。各

題曰康熙御筆。各鈐

寶一。曰廣運之寶。無立石年月。在敬一亭左右楹間。均  
南嚮。

世宗憲皇帝



御製平定青海告成太學碑

雍正三年五月立在

大成殿甬路東南有亭

文恭載禮  
獻功

諭禮部會試舉人合辭陳謝碑

雍正五年三月

諭旨。乾隆四十四年奉

敕立石在東講堂正中南嚮

恭載卷首  
諭旨

御製仲丁

詣祭

文廟詩刻。

御筆。鈐

寶一。曰雍正御筆之寶。雍正六年二月立。在

大成殿甬路西南。有亭。志

詩恭  
禋  
禘  
禮

高宗純皇帝

御製

文廟易益黃瓦

臨雍紀事碑。

乾隆三年三月。

詣學釋奠

先師四年十二月立石清漢文左右刻後刻經筵

講官戶部右侍郎臣梁詩正奉

敕敬書碑陰刻

御製乾隆庚申仲秋釋奠詩

御筆鈐

寶二。上曰乾。下曰隆。又刻甲子仲春釋奠詩。

御筆鈐

寶二。曰乾隆御筆。曰所寶惟賢。在

大成殿甬路東北有亭。

文恭載 廟志建  
詩恭載 禮志

釋奠。

御製訓飭士子文碑。

御筆。鈐。

寶二。曰乾隆御筆。曰所寶惟賢。乾隆五年十一月立碑。

陰刻總管 御書處和碩和親王臣宏晝。多羅

慎郡王臣允禧。排類校對官都察院左都御史

兼管國子監事臣劉吳龍。國子監祭酒臣敷文。

國子監司業臣塞爾登。國子監司業臣開泰。國

子監司業臣多爾濟國子監司業臣徐以烜監  
造官 御書處監造內務府廣儲司總理六庫  
郎中臣邁格 御書處監造兼內務府廣儲司  
郎中臣吉祿 御書處監造兼內務府掌儀司  
員外郎臣明月 御書處監造兼內務府佐領  
臣豐盛額 御書處監造兼內務府都虞司主  
事臣永泰 御書處監造兼內務府掌儀司贊  
禮郎臣時運 御書處監造臣許夢熊刻字委  
署催總宋璋等鐫刻在南學率性堂正中。

恭載  
卷首。

御製平定金川告成太學碑。

清漢文左右刻。後刻 經筵講官太子少師協  
辦大學士吏部尚書臣梁詩正奉

敕敬書。乾隆十四年四月立。碑陰刻

御製乾隆癸酉仲秋釋奠詩。

御筆。鈐

寶二。上曰乾。下曰隆。又丙子仲秋釋奠詩。

御筆。鈐

寶二。曰乾隆御筆。曰所寶惟賢在。

大成殿甬路西北。有亭。

獻功。文恭載禮志。詩恭載禮志。

志

祥莫。

御製平定準噶爾告成太學碑。

清漢文左右刻。

御筆鈐

寶二。曰惟精惟一。曰乾隆宸翰。乾隆二十年五月立碑。

陰刻伊犁勒銘。清漢文。乾隆二十三年七月。

御筆。在

大成殿甬路東有亭。

志

文恭戴禮  
獻功。

御題國學古槐圖詩刻。

古槐為元臣許衡手植。乾隆二十四年。大學士  
蔣溥繪圖。吏部左侍郎董邦達復展為鉅幅。縱  
五尺。橫八尺。兵部侍郎兼國子監祭酒觀保等  
刻石。圖首恭泐

御題五言六韻詩一章。鈐

寶二。曰惟精惟一。曰所寶惟賢。下刻董邦達恭跋。及觀  
保等請刻石疏。後刻祭酒臣全魁。祭酒臣陸宗



楷司業臣博卿額司業臣吉泰司業臣盧穀末  
署臣觀保敬書乾隆二十四年立在西講堂正

中南嚮

載學志圖說詩恭

御製平定回部告成太學碑

清漢文左右刻

御筆鈐

寶二。曰信天主人。曰乾隆宸翰。乾隆二十四年十二月

立。碑陰刻

御製己丑仲春釋奠詩

御筆。鈐

寶二。上曰乾。下曰隆在

大成殿甬路西有亭

獻功

文恭戴禮志

詩恭戴禮志

釋奠

敕修國子監碑

乾隆二十四年二月

諭旨。次年八月立石。在太學門右東嚮

戴學志建諭旨恭

敕修

御書樓碑

乾隆二十四年四月

諭旨次年八月立石下刻 經筵講官兵部左侍郎正  
白旗滿洲副都統兼管國子監事務教習庶吉  
士臣觀保祭酒臣宗室良誠祭酒臣全魁祭酒  
臣陸宗楷司業臣博卿額司業臣吉泰司業臣  
朱璠司業臣盧穀助教兼管繩愆典簿廳事臣  
扎什助教兼管繩愆典簿廳事臣永貴助教兼  
管典簿廳事臣噶爾弼善助教臣陳孝泳纂額  
學錄臣馮秉忠書丹在

御書樓下東嚮。

我學志建修諭旨恭

敕修

文廟碑。

清漢文左右刻。乾隆三十二年三月立。在

大成門外西南。有亭。

我廟志建修諭旨恭

御製重修

文廟碑記

清漢文左右刻。

御筆鈐

寶二。曰乾隆御筆。曰惟精惟一。乾隆三十四年二月立。

碑陰刻

御製癸卯仲春丁祭詩。又乙巳仲春釋奠詩。

御筆各鈐。

寶二。曰古稀天子之寶。曰猶日孜孜。在。

大成殿甬路東北。有亭。修。

文恭載 廟志 建  
詩恭載 禮志

釋奠。

御製平定兩金川告成太學碑。

清漢文兩面刻。

御筆。鈴

寶二。上曰乾。下曰隆。乾隆四十一年三月立。在

大成殿甬路東南。有亭。

志

文恭載禮  
獻功。

御製國學新建園水工成碑記。

清漢文各一碑。

御筆。鈴

寶二。曰古稀天子之寶。曰猶日孜孜。乾隆四十九年十

月立。兩碑陰分刻清漢文。

御製三老五更說。乾隆四十三年十一月

御筆。鈐

寶同前。清文碑左側刻

御題張廷玉三老五更議。乾隆五十年七月

御筆。鈐

寶同前。右刻張廷玉三老五更議。臣董誥奉

敕敬書。兩碑在太學門內甬路東西分列。有亭。記文恭

載碑苑志建置。

御製說經文石刻。

經說恭載本志

御題三老五更議

恭載卷首。張廷玉議。詳見藝文志。奏議。

御製石鼓所有文成十章。製鼓重刻序碑。

御筆前刻序。後刻釋文。乾隆五十五年正月立。鈐

寶二。曰八徵耄念。曰自彊不息。碑陰刻重排石鼓文音

訓。并諸臣恭識。經筵講官東閣大學士兼禮

部尚書管理禮部事務臣王杰。經筵講官吏

部尚書兼署兵部尚書管理國子監事務教習

庶吉士臣彭元瑞。經筵講官戶部尚書臣董

誥。經筵講官吏部侍郎兼署禮部侍郎臣金

士松。經筵講官兵部侍郎兼署禮部侍郎臣

沈初察書。武英殿總理工部尚書總管內務



府大臣管理 御書處事務 臣金簡募篆 懋  
勤殿行走戶部員外郎臣趙秉冲監刻 御書  
處六品司庫監造臣盛格鐫字司匠小臣長壽  
在

大成門外之東南嚮。

志

文恭載本  
國朝石鼓。

御製重排石鼓文。

共十鼓以十干為次甲癸兩鼓文竝

御製自乙至壬八鼓。

命彭元瑞按餘字各補成章在

大成門外東西分列

志

文恭載本  
國朝石鼓

御製再題石鼓詩跋刻

御筆鈐

寶二。曰乾隆。曰八徵耄念。乾隆五十五年春刻於周鼓

第十鼓平面在

大成門內西側東嚮。

詩跋恭  
載本志周石鼓

御製觀張照草書韓愈石鼓歌長卷作歌石刻

額左

御題瓌解神筆四大字。鈐

寶一。曰典學勤政。額右恭刊。

御製詩鈐

寶二。曰八徵耄念之寶。曰自強不息。石四面刻張照草

書韓愈石鼓歌。乾隆五十五年二月立。在

大成門外之右南嚮。

詩恭載  
本志周石鼓。

御製說經文石刻。

凡十三石。額曰乾隆

御製說經之文八字篆書。鈐

寶二。曰表章經學之寶。曰八徵耄念之寶。下刻說經文

御製并書。在彝倫堂。

御製石刻蔣衡書十三經於辟雍序石刻。

清漢文各一石。

御製并書。鈐

寶二。曰八徵耄念。曰自彊不息。乾隆五十七年二月立。

在彝倫堂東西分列。

御定 文恭載 本志 石經碑。

御製丁祭釋奠詩石刻。

一石左右分刻。

御製丁祭釋奠詩二并書。各鈐

寶二曰五福五代堂古稀天子寶曰八徵耄念之寶乾

隆六十年二月立在養倫堂西壁東牆詩恭載

禮志 釋奠

御定石經碑

凡一百九十石額曰乾隆

御定石經之碑八字篆書鈐

寶二曰表章經學之寶曰八徵耄念之寶下刻蔣衡書

十三經末一石告成表文乾隆六十年二月立

總裁 經筵日講起居注官太子太保文華殿

大學士翰林院掌院學士忠襄伯臣和珅。經

筵講官太子太保東閣大學士臣王杰。副總裁

經筵講官吏部尚書臣金簡。經筵講官吏

部尚書臣劉墉。經筵講官太子太保戶部尚

書臣董誥。經筵日講起居注官太子少保工

部尚書翰林院掌院學士臣彭元瑞。校勘官

經筵講官吏部左侍郎臣金士松。經筵講官

吏部右侍郎臣沈初。內閣學士兼禮部侍郎臣

瑚圖禮。內閣學士兼禮部侍郎臣那彥成。日講

起居注官詹事府詹事臣阮元翰林院侍讀學士臣劉鳳誥國子監祭酒臣汪廷珍翰林院侍讀臣邵晉涵懋勤殿收發官兵部郎中臣趙秉冲收掌官戶部主事臣錢楷吏部主事臣貴徵翰林院編修臣洪亮吉翰林院編修臣洪梧翰林院編修臣張師誠翰林院編修臣錢學彬欽賜舉人候補主簿臣蔣和收掌官兼辦石工監督內務府郎中臣阿克當阿監造官副監造臣德興委署主事臣經文庫掌臣泰山保

筆帖式臣福成。筆帖式臣春保。苑副臣德委。  
署庫掌臣吉福。委署庫掌臣五福。栢唐阿臣廷  
佩。栢唐阿臣文英。司匠臣常壽。司匠臣官福。司  
匠臣三福。供事官臣汪瑚。臣左景明。臣曾敬基。  
臣陸炳。臣王元錦。臣陶然。臣趙宜揚。臣魯芬。臣  
董承紱。臣顧俊。臣周溪。臣董大烈。臣施宗焯。臣  
汪膺泰。臣章旋源。在

辟雍之左右六堂。

碑序詳載本志  
經碑。

御定石

仁宗睿皇帝



御製八旗箴石刻

嘉慶十三年十月臣費淳臣佛柱臣張錦枝臣

英良臣德亮臣方振敬錄勒石在

御書樓下恭載卷首文

御製喜雨山房記石刻

嘉慶癸酉六月禮部尚書兼管國子監臣鐵保

奉

敕敬書在

御書樓下恭載卷首文

皇上

御製平定回疆勦擒逆裔告成太學碑

御筆鈐

寶二。曰道光宸翰。曰保民無疆。道光九年六月立。在

大成門外西北。有亭。

志

文恭戴禮  
獻功

附

元

加封

先師文宣王遣祀闕里碑。

大德十一年七月加封。上刻上天眷命皇帝聖旨。下刻奉訓大夫國子司業臣潘迪書。亞中大夫國子司業臣謝端篆。臣茅紹之刻。碑陰刻翰林直學士中大夫知制誥同修國史國子祭酒臣歐陽亞中大夫國子司業臣謝端奉訓大夫國子司業臣潘迪。承德郎國子監丞臣張彝。承仕郎國子監典簿臣尹忠。承直郎國子博士臣王昕。承直郎國子博士臣黃承務郎國子助教臣將仕郎國子助教臣儒林

郎國子助教臣

從仕郎國子助教臣

承務郎國子助教臣

國子學正臣

國子學正臣

國子學錄臣劉思國子

學錄

臣焦思問國子司樂臣王居敬國子典籍

臣王汝衡國子典籍臣劉洪廟學管勾臣秦悌

國子掌儀臣張昭國子掌儀臣張克誠至元二

年十月立在

大成門外東階下南嚮。

加封

先聖父母及

聖配夫人顏曾思孟四子碑

至順元年二月加封碑陰刻集賢侍講學士中  
奉大夫兼國子祭酒臣王思誠奉直大夫國子  
司業臣薛泰儒林郎國子司業臣董立承德郎  
國子監丞臣毛元慶文林郎國子典簿臣李烈  
文林郎國子博士臣鄭鈞奉訓大夫國子博士  
臣張頤奉訓大夫國子助教臣劉文芳承仕郎  
國子助教宗聖公五十六代孫臣曾堅奉訓大

夫國子助教臣胡行簡。從仕郎國子助教臣張  
呂。國子助教臣張巖起。國子學正臣李思誠。  
臣于謙。國子學錄臣馮彥弼。臣劉仲元。國子司  
樂臣趙植。國子典簿臣朱棣萼。臣孟志道。廟學  
管勾臣劉士俊。國子掌儀臣郭鵬遠。臣呂天倫。  
末署至正十六年六月茅紹之門人滴水郝恭  
刻在。

大成門外西階下南嚮。

明

洪武學志碑

洪武二年立。字多磨泐。在太學門左西嚮。

五朝上諭碑

洪武十五年二月。三十年七月。宣德三年四月。

正統五年六月。九年三月。景泰二年二月。成化

元年三月。凡上諭七通。合為一碑。成化三年三

月。朝列大夫國子監祭酒邢讓等立石。在太學

門左南嚮。

英宗御製新建太學碑。

正統九年三月立。舊在

大成殿東廡。乾隆三十三年重修

文廟。移置

大成門外東南。有亭。

世宗御製敬一箴石刻。

嘉靖五年六月立。在敬一亭正中南嚮。

世宗御注宋儒范氏心箴石刻。

嘉靖六年立。在敬一亭右南嚮。

御注程子四箴石刻。



共四石刻。御注程子視聽言動四箴。嘉靖六年立。在敬一亭左右南嚮。

頒發五箴聖諭石刻。

嘉靖六年十一月立。字多磨泐。在敬一亭左南嚮。

萬厯敕諭碑。

萬厯四年立石二。一四月。在續題名碑上截。一八月。在監丞以下題名碑上截。俱東廂正堂之左右南嚮。

總纂助教臣富明阿

國子監志卷五十五

金石志三

高宗純皇帝

御製說經文石刻

讀歸有光易圖論

有光以為易圖非伏羲之書。乃邵子之學。似矣。然知其一。未知其二。有光不云乎。八卦盡天地萬物之理。後之人苟以一說求之。無所不通。納甲飛伏卜數。隻偶之類。皆可以易言。既如是。則伏羲之卦。何嘗不具。

圖之義第不可以圖謂足盡卦之理可耳余謂易以傳天道董仲舒云天不變道亦不變則可知易亦不變或曰交易變易正所謂變安得謂不變曰亦觀之天而已四時行焉百物生焉一日而周三百六十五度其至變之中不變者存焉道如是易亦如是又誰能為圖以概之有光蓋有見於圖之局但語焉而未詳耳朱子恐人求易於虛無神奇而反失實理故定為卜筮之書而每卦每爻皆注之以占之者云云審如是則江西持筒賣卜者皆可以言易矣其然豈其

然乎。

天行健。君子以自彊不息。

天行健。行所無事而自健也。君子以自彊不息。猶有  
勉強之功焉。然至於不息。則與天行之健同。所謂及  
其成功一也。是故天行之健。天不自知其為健也。而  
四時行。百物生。天何容心哉。君子自彊不息。則必存  
理遏欲。克己復理。而操持省察之功。不容少間矣。大  
抵理乃固有。何用其存。理本無欲。何用其遏。本無可  
克之已。亦無可復之禮。故不息即健。自彊斯不息。君

子以自彊不息者亦示人以下學上達之階耳

天行健君子以自彊不息

天一日一周是行健也然天之運行終古不息不惟  
不息蓋並不息亦無意於其間斯乃健也應與中庸  
至誠無息之語並觀之所謂誠者天之道也若夫法  
天之君子乃誠之者人之道然亦不外自彊不息而  
已蓋天之不息無為而為人之不息則在自彊自彊  
者必本於克己復禮人十已千成已成物胥在乎是  
聖人之言非特為為君者言蓋人人皆有法天之責

此責不在於外而在於心。人各盡其心之誠。所謂天君泰然。百體從令。而為人君者。益當法天行健。夕惕朝乾。孜孜疊疊。不遑暇逸。以是為亟耳。

天行健。君子以自彊不息。

此教人以聖希天之法也。夫士之去賢聖且遠矣。而况天乎。然而不可無希之之志。若不希之。是自畫也。昔為三希堂記。略見斯義。且天之行健。日日在人目前。予以為較聖賢之去人為尤近耳。君子以是為法。自彊不息焉。不庶幾可希天乎。蓋所謂自亦有二義。

一曰自己一曰自然自己尚覺有私自自然則無為也無為而不息此天之所以行健而人之所當以為法也設曰何以不息則注之曰克己復禮

元者善之長也亨者嘉之會也利者義之和也貞者事之幹也

元者善之長也亨者嘉之會也利者義之和也貞者事之幹也天具四德而為春夏秋冬人體四德而為仁義禮智然夏秋冬咸統於春而義禮智實歸於仁故曰元者善之長也惟其善之長故亨亦元之亨利



亦元之利。貞亦元之貞。天道一人道。故曰仁也者。人也。合而言之。道也。苟失其仁。則不可以為人。於義禮智乎何有。故氣成形而理成性。苟無其氣。不可以成。形。苟無其理。不可以成性。而其氣其理。總一元為之。樞紐。大哉乾元。萬物資始。乃統天。夫子蓋明示之矣。君子體仁足以長人。

元足以包四德。而仁亦足以貫四端。體仁即所以體元。體元即所以體乾也。然四端無非仁。而仁之本則在於博愛。四德無非元。而元之本則在於大生。試觀

四時之春而可知天地之心矣。體仁長人又何待著  
占而龜卜哉。雖然無亨利貞不能成其為元而無義  
禮智亦不能成其為仁。故聖人義制事禮制心不妨  
並用。而其為全體大用之本者必於仁焉。是存肫然  
而無不愛廓然而無不容已。飢已溺關切深衷曰教  
曰養籌之無窮。此聖人之所以體仁也。此其所以能  
長民也。

修辭立其誠

繫辭曰。君子居其室。出其言善。則千里之外應之。况

其邇者乎。居其室。出其言不善。則千里之外。違之。況其邇者乎。言行。君子之所以動天地也。此正可與文。言修辭立誠之意。相發明。蓋一言一行。無不以立誠為要。而非獨指文辭之宜去其偽也。且道之在天地間。無人而不具。即無人而不可行。顓蒙庸愚者。不能無言行。即無不可立之誠。若徒以文辭為事。攻乎此而修治之。去枝葉。絕浮夸。以為吾將立其誠焉。則此心已非誠矣。所為北轅而適越耳。故程子云。修省言辭。便是要立誠。若只是修飾言辭為心。只是為偽。蓋

深有體驗之學也

乾始能以美利利天下不言所利

項氏謂乾始而四德在其中俞氏謂乾始即乾元是二說也一則分始與元為二一則合始與元為一余以為俞說近之而猶未識夫始也元也總一乾也蓋乾具四德大哉乾乎乾之大不可見於四德見之所為始能以美利利天下不言所利天何言哉四時行焉百物生焉无所不利非可指名即貞也四德以是乎流行萬彙以是乎蒙美豈不大乎夫人君者體天

者也有孚惠心勿問元吉。余嘗申其義而論之。亦曰不言所利而已矣。

雲上於天解

嘗讀易需之大象曰。雲上於天。需音義者於上字發圈。讀為上。聲於是程傳遂有雲氣蒸而上升於天之語。審如是。是雲仍在天下。非乾下坎上之義也。蓋伏羲設卦。因陰陽本然之理。非強為之辭。孔子於釋卦名卦辭之後。而加之以大象者。亦因陰陽本然之理。而非強為之辭也。怪力亂神。夫子所不語。恐人求之。



水下。天無不包。其在水下之時。非坎上乾下之需乎。需者待也。待其輪轉而上。則為天水訟。而違行有所不免矣。此至平至易之理耳。夫知天之有在水下之時。則若地。若雷。若風。若火。若山。若澤。均有在天上之時。可推而知。此實八卦本然之象。不必求諸神奇。謬悠之談也。夫善言易者。不言易。若吾斯所言。得毋乖言之義乎。若夫葛洪。渾天之說。謂天表裏有水。引黃帝水在天外之說以證之。黃帝之說。不見於經。然黃帝自是天裏之人。裏之未窮。表何能知。果如是。是水

外於天而大於天矣。且水之外當更有天矣。此與釋家之忉利。道家之禹餘。又何異乎。夫子之所謂雲上於天者。或亦有懼於類斯之語乎。晉天文志之引葛洪。其亦未之思而已。

開泰說

陽交三而成泰。此劉琨柳宗元等開泰之說。所由昉乎。泰者通也。又安也。小往大來。內陽外陰。與夫任下事上。君子小人之義。注易家論之詳矣。余以為泰之所以為泰。在九來居三。泰之九三。即乾之九三也。乾



之九三曰。君子終日乾乾。夕惕若。蓋必有此乾乾惕厲。然後能安而弗危。通而弗塞。以常保其泰也。故本爻即曰无平不陂。无往不復。使無乾惕之意。則平者陂而往者復矣。又繼之曰艱貞无咎。益深切而著明。蓋艱貞即乾惕也。必乾乾以知其艱惕。若以守其貞。然後得无咎。兩爻呼吸相通。無不於慄慄危懼三致勗焉。元聖訓後世之意篤矣。凡觀象玩占者。皆當以是為棘。而有撫世御民之責之人。尤不可不凜淵冰而戒盛滿。祛安逸而謹思慮。庶幾恒守其泰而不至。

失其道以流入於否。後世賢臣持盈保泰。憂戚危明之說。胥不外乎是爾。

上下交而其志同也。

上下交而其志同。此語當與君子和而不同句並觀。蓋所云同者。非同其私也。同其志也。其志維何。敬天勤民而已。夫惟同其志。則都兪同也。吁咈亦同也。使以其私。則都兪乃阿諛之風。而吁咈亦後言之漸。安得謂之其志同乎。故天地有高卑之經。而上下有氣機之應。君子法乎此。是以志氣相孚。疇咨交儆。無非

欽若亮采之心也。此所謂和而不同也。而適成其為  
上下交而其志同也。魏徵之面折廷諍。韓范之上殿  
相爭。胥是道而已爾。

輔相天下之宜

宋儒注此象者。率以四時之節。四方之限。為裁成。春  
耕秋斂。高黍下稻。為輔相。審如是。則古聖神道設教  
之後。民皆知之矣。何賴后之裁成輔相乎。蓋裁成所  
以制有餘。輔相所以補不足。制有餘為差易。補不足  
為實難。今夫水旱不齊。苟非為君者勤恤民隱。賑災

濟困則赤子之轉於溝壑者將誰賴乎故泰之中即有平陂往復之象是在有輔相之責者有孚惠心補其不足庶乎常保其泰而得天地之宜可不慎哉君子以教思无穷容保民无疆

易道廣大無不備體以示其象德以寓其理闡天地自然之蘊者其惟極深研幾之聖人乎試觀澤上有地臨之象也悅以強教順以含容臨之理也具其象而理或乖玩辭者其何所從焉澤上有地人咸知其為臨之象矣而因悅之教與順之容更識臨之理教

而不養操切之政也。養而不教姑息之為也。從古盡臨之義者。舍是其何以為治民之急務哉。且也教與養亦相資而不可離者。是故無包荒之量則振德之心。究不能至誠無欺也。鮮納污之德則虛受之懷。究不能廣大無限也。人徒知教養之宜並行而不知教正所以為養。養正所以為教也。有臨民之責者所宜視為一事而日勉焉弗遑也。

剛健篤實輝光日新其德

乾剛健而艮篤實。此言各具其用。而相資以成其德。

也。蓋剛健而無篤實。或失之躁。篤實而無剛健。或失之固。躁與固。則不能日新其德矣。然乾元之體。無所不貫。八卦之德。何一非乾德哉。故在大畜言大畜。則曰剛健而濟之以篤實。以日新其德耳。夫日新其德。非所謂自彊不息乎。解大畜者。或謂畜之者大。或謂能畜其大。至於不家食。則率謂人君大烹養賢。而其臣不食於家。予以為家者。私也。不食於家。去私也。君與臣胥無私。以勅幾協民。有不日新而輝光者乎。若夫九二為剛中之臣。六五為柔中之主。此正剛柔相

濟不失其養。亦日新其德之道也。若必訓二以說其尤。戒五以防其惡。是君臣之間。先自猜貳矣。獨占其一爻者。或可曲解。然非大畜全體養賢之義。茲故申而論之。

天地養萬物。聖人養賢以及萬民。

天地養萬物。而不能不藉后之裁成輔相。聖人養萬民。而不能不賴賢之時亮天工。是以周公躬吐握之勞。故有圖空之隆。齊桓設庭燎之禮。故有匡合之功。寰區至廣也。生民至衆也。以一人之心智耳目御之。

其敝精勞神而迄無成功亦不待燭照數計而龜卜  
矣。自古聖王勞於求賢逸於得人。然得人始逸而求  
賢則勞。毋論求之不以道得之不以實。所得非其人  
所求非其賢。而天下之萬民不可以一日而不養。為  
君難。蓋誠乎其難矣。  
聖人養賢以及萬民

天地養萬物。人亦萬物中之一也。而人之中有聖人  
焉。有萬民焉。聖人不恒生。生矣。不恒得位。然則得位  
而有養民之責者。豈可自諉於非聖而不體天地之



所以生我。乃為養民而設之義乎。四海之廣。萬民之衆。一人之心力。必不能徧及。故曰養賢以及萬民。然則有及民之責者。豈可自諉於非賢。而不體天地之所以生我。乃為及民而設之義乎。夫民而得養。則天地位而萬物育。如是則天地之生人。即所以養萬物也。而以氣候失宜。物有不遂其生。為天地之憾者。豈不失之甚哉。

讀周易枯楊生稊辨詰

易大過之九二曰。枯楊生稊。王弼注云。楊之秀也。孔

穎達謂枯槁之楊更生少壯之梯取象顯而易見陸  
德明經典釋文從之攷夏小正云正月柳梯梯也者  
發乎也戴德自釋其文確然可信足與弼注相發明  
且微獨王孔之說為然也唐以前諸儒講易者莫不  
然即鄭康成書作莢而解為木更生虞翻詁作穉而  
解為楊葉未舒辭雖小異義實不相遠也惟朱子本  
義以穉為梯且訓為根謂榮於下者其說本之程傳  
而程子則舉劉琨勸進表發繁華於枯莢為證夫琨  
信筆為文無與易理然亦未明言根義而莢之訓又

為草。琨所謂枯莖。安知非在彼而不在此。其不足據  
審矣。程朱之意。不過以卦體二爻。初陰在下。遂以為  
下生根梯。而於五爻。老陰在上。則以為上生華秀。夫  
以二之比初。為老夫得女妻。五之比六。為老婦得士  
夫可也。若拘上下爻之象。以根梯華秀分上下而言  
則不可。朱子不又云乎。榮於下。則生於上。既曰生於  
上。非秀而何。矧植物之性。其生莫不由根而幹而枝  
而芽蘖。若舍稊秀而專言梯。且訓為根。則所云生於  
上者。曷所指乎。考之朱震河上易傳曰。二變而與初。

二成艮巽木在土下根也。枯楊有根則其穉秀出穉穉出楊之秀也。震未嘗不兼言根而引而至於穉則較程朱之說為賅舉矣。閒嘗綜爻象之辭而覆按之生穉必當以弼注為正。蓋陽雖過而濟以陰故能成生發之功。譬枯楊之生穉始乎秀而具生生不已之象。猶老夫得女妻之過以相與也。故无不利也。五爻生華直當作華絮。解陸佃埤雅云柳華一名絮是其義矣。蓋楊而至於華絮其生意已過。自此以往將就衰落故不可久也。亦猶老婦得士夫之可醜也。則以

象辭釋爻辭其義自合。即以卦體證爻象亦無弗合。又何必泥程朱之曲解為梯乎。但梯之為字。雖今時所行大戴禮亦從木。然詁解無異義。或出刊寫之譌。而張參五經文字則列梯於禾部。唐國子學石經本漢鴻都之遺。最為近古。而木旁之梯則說文廣韻並訓木階。與發榮義無涉。亦不可以不正。

天地感而萬物化生。聖人感人心而天下和平。

天地無心。以萬物為心。聖人無情。以萬民為情。試觀春生夏長。秋收冬藏。而飛潛動植之倫。各形其形而

色其色孰非天地之心哉放勳之時平章百姓而黎  
民於變時雍孰非聖人之情哉故萬物之化生不待  
天地之感而即見天地之感天下之和平亦不待聖  
人之感而亦即見聖人之感使天地有心而感萬物  
則自混茫以來至於今日不知其漏者有幾而斷者  
凡幾矣惟其以萬物為心是以萬物如是化生終古  
不窮人不能名強名之曰天地感而萬物化生至於  
熙皞之世首推唐虞自此以降雖有小康之時均非  
華胥之世也母亦以有情之感感人之有情此亦一

情也。彼亦一情也。聖人方且惴惴焉。而云天下和平。是自欺耳。然則如之何而後可。曰。聖時憲。天地之道恒久而不已也。

元亨利貞。天道之常。是惟無恒。所以恒久而不已也。夫四時代謝。二氣遞嬗。何嘗久春而久夏乎。然惟其不恒。是以春恒去而夏恒來。運而不窮。豈非天地之以正而能久耶。所謂正者何。其不已之謂乎。故曰。維天之命。於穆不已。是久於其道也。而大生廣生萬物芸芸。孰非易知簡能。所悠久以無疆者乎。是故天地

以正而恒。而天地初不自見。其可恒於正。使天地自見。其可恒於正。是有恒矣。有恒斯無恒。必恒生而恒。滅。恒屈而恒伸。無是理也。故觀天地之恒久。不若觀天地之不已。惟其不已。是以恒久。穆穆文王。純亦不已。是誠希天之聖乎。

自上下下其道大光

自上下下二語。非申明損上益下而言也。夫既損上以益下。民之悅之。自无窮極。其為益也。更有何言。蓋自者。由也。自上下下。重言為上者。應不自恃居崇高。



之位。每虛已。撝謙。尊賢納諫。縱能而視。若不能。已治而恒如未治。延訪必以精明達必以徧。雖芻蕘弗遺焉。斯乃由上以下其下。而其道有弗大光者乎。或曰。如此。則益彖祇為為君者言之乎。曰。易無不該。且一邑有一邑之上下。一家有一家之上下。推是道也。孰無自上下下之理。而吾在君言君。惟引以為已鑒耳。益動而巽。日進无疆。

修己治人之道。莫善於日新。莫不善於自畫。動而巽。不惟學者作聖之功。實王者體乾之德。蓋不震動。則

不能奮發有為不巽入則不能遜志涵養遜志則雖有為而亦不鄰於躁奮發則雖涵養而亦不入於弛以之修己則德崇以之治人則業廣文王之於穆不已周公之無逸作所胥是道也豈徒學問之益云乎哉

天施地生其益无方

蓋嘗觀於造化自然之流行而知天地之大矣天地之大未嘗自言其益而其益乃无方焉一陰一陽之謂道四時行焉百物生焉往者屈而來者伸息復消

而消復息。天地何容心哉。而惟是日進無疆之體健行不息。化育萬物。各正性命。何其益之大也。彼惠心而或問者。固不足稱。即心乎愛矣。遐不謂矣。而苟其內無健順藏用之功。則不足以建知始作成之本。外無丕冒顯仁之量。則不足以贊覆幬化育之權。然而天地無心於萬物。而萬物亦無心於天地。故其益无方焉。聖人有心於萬物。而萬物亦有心於聖人。故其益有量焉。此裁成輔相者。所以倍難於資始資生之無為也。

有孚惠我德

易理廣大無所不包。仁者見之謂之仁。知者見之謂之知。予昔嘗以勿問其施惠釋元吉矣。至於惠我德。予亦以為應於為君者言之。蓋惠者何。即我之德也。我施德惠而稍有不孚於心。則仍是違道干譽之為。欲天下人之愛戴。此非問乎。此非不孚乎。且九五為君位。亦不應計及人之愛戴也。或曰。如此。不有違歷來釋經者乎。曰。觀象玩辭。予惟知盡予為君之道。易簡而天下之理得矣。

乾坤之撰。至健至順。確然。隤然。示人易簡。而人或不知。即有知之者。亦云。乾坤始能如是。而人豈能惟聖人體天地之心。以為心。斯參天地之化。以為化。然而乾坤運終古而無窮者。則以得易簡之理也。聖人雖百世而罕遇者。則以失易簡之理也。失易簡之理。何以其有人己之分也。一有人己之分。則物來而不能順應。憧憧往來。朋從爾思。又何能崇德廣業。成參贊之功哉。故人欲效乾坤之易簡。當法聖人之無私。無私則理存。理存則守者約。而應不窮。久大之規。胥於

是乎在矣

讀易繫辭上傳第五章書義

此章與中庸首章相表裏。子思或有承乎是章之義乎。蓋一陰一陽之謂道。繼之者善成之者性。即所謂天命之謂性也。仁者見之謂之仁。知者見之謂之知。即所謂率性之謂道也。百姓日用而不知。故君子之道鮮矣。即所謂修道之謂教也。至於顯諸仁。藏諸用。鼓萬物而不與聖人同憂。注疏家皆作一句讀。予則以為鼓萬物而不與應作一句。而與應作去聲。如舜

禹有天下而不與之與蓋所謂不居而已耳。不居則不知。不知則無為。無為則無心。設以上聲讀而貫下文。是視天地與聖人有間然。且有心矣。夫大易一乾一坤。乾坤一陰陽。陰陽一天地。天地一易簡。春生夏長。天地之顯諸仁也。秋收冬藏。天地之藏諸用也。而天地實不居其功。此即天地之無心也。若夫聖人輔相左右。是有心也。有心則不能無為。不能無為則不能不代天地同憂矣。咨政之暇。與諸皇子及數儒臣示及此。並命各抒其見以論之。皆以為不出所示。故不

國子監志

卷五十五

御製說經文

九

復繁文闡論而直陳其義如此然予亦未肯遂信以  
為疑爰簡筆書之以俟後之深於易者

日新之謂盛德

張子曰日新者久而無窮此語最親切故日新非必  
日日務求有所新益蓋君子自彊不息即所謂進德  
也且四時運行春生夏長萬物散殊其新若非故矣  
然今歲之春即去歲之春推而至於四時之運萬物  
之殊又豈非一氣之不息所以為新而別有所謂新  
哉天地聖人無不以是為極而學者進德亦必以是



為法。若夫化民成俗。蘊之中而發諸外。非勵悠久無  
逸之心。又何以成光大。有永之治。設其無忠信之本。  
而徒務新奇之為。幾見其不失故。而敗事哉。  
唯幾也。故能成天下之務。

上章明言極深而研幾。極深即所以研幾。非二事也。  
蓋深為蘊於中。幾乃發於中。本祇一原。不過微有動  
靜之別。太極動而生陽。靜而生陰。斯豈有內外先後  
之殊哉。靜所以通志。動所以成務。此聖人所以闡易  
理也。易之道。通天地。貫古今。自虞翻解此章。分屬之

著與卦而朱子遂以易為占卜之書視易小矣其然  
豈其然哉予之遲速論中略見之昔用以成功今復  
以自勉然而見幾而作克己立誠其難其慎亦惟自  
知其苦而已敢為侈談也哉

天地之大德曰生

天地之大德曰生德與生不可析而二之若謂職履  
職載德莫大大始成物生莫盛是德與生為兩事而  
非易簡矣德即生而無聲無臭之理於是乎昭生即  
德而成形成象之用於是乎溥故曰元者善之長也

此天地之心也。天地之心不可見。以天地之大德見。天地之大德不可見。以天地之生物見。然而生即德。德即心。大生廣生。孰非易簡之至德哉。

咸速也。恒久也。

易分上下二經。上經首乾坤。此天地之大經大法。固不待言。下經首咸恒。解之者泥於夫婦之一語。於是。有少男少女感之深。長男長女倫之正之說。是皆以世俗夫婦之情。窺聖人序卦之義。並且曲為損益。不肯下經之論。其去聖人之意。蓋已遠矣。夫何不觀於

雜卦咸速恒久之說哉。且易雖有六十四卦。何一非乾坤乎。乾坤者。天地之象。咸恒者。蓋天地之象之所以示人最深切而著明者也。夫周天三百六十五度。一日而一周。日月五行所不能及。是最速者。莫如天。而咸象之華嶽有時而損益。河海無日而不流而載之振之者。終古無遷。是最久者。莫如地。而恒象之且象傳於咸。則曰天地感而萬物化生。於恒。則曰天地之道。恒久而不已。一再舉之。語焉而詳。實於雜卦之義。互相發明。所謂聖人之情。見乎辭矣。蓋咸恒非不

備夫婦之道而徒舉夫婦之道以闡咸恒之義則不足  
以盡之若夫自彊不息厚德載物乃君子所以法  
乾坤即君子所以法咸恒不息感之速也厚德常之  
久也虛受無我立不易方內聖外王之道於是乎在  
如是則咸恒一乾坤之具體其首下經不亦宜哉